



ՀԵՌՈՒՄՏԱՏԵՍՈՒԹՅԱՆ ԵՎ ՌԱԴԻՈՅԻ ՀԱՆՁՆԱԺՈՂՈՎ

ՈՐՈՇՈՒՄ

09 ապրիլի 2026 թվականի թիվ 34-Ա

ք. Երևան

«ՄԱՐԻՆԿԱ» ՍՊ ԸՆԿԵՐՈՒԹՅԱՆ ՆԿԱՏԱՄԱՐ ՎԱՐՉԱԿԱՆ ՏՈՒՅԺ ԿԻՐԱՌԵԼՈՒ ՄԱՍԻՆ

Հեռուստատեսության և ռադիոյի հանձնաժողովն (այսուհետ նաև՝ Հանձնաժողով), ուսումնասիրելով 2026 թվականի մարտի 10-ին իր նախաձեռնությամբ հարուցված թիվ 4 վարչական վարույթի նյութերը, պարզեց.

Հանձնաժողովը «Տեսալսողական մեդիայի մասին» օրենքով (այսուհետ նաև՝ Օրենք) իրեն վերապահված վերահսկողական գործառույթներն իրականացնելիս արձանագրել է «ՄԱՐԻՆԿԱ» ՍՊ ընկերության (այսուհետ նաև՝ ցանցային օպերատոր կամ Ընկերություն) կողմից առանց համապատասխան իրավական հիմքերի՝ պայմանագրերի, տեսալսողական ծրագրերը վերահաղորդելու Օրենքի դրույթների պահանջի առերևույթ խախտման հատկանիշներ:

Հանձնաժողովը, հիմք ընդունելով Հանձնաժողովի նախագահի 2026 թվականի մարտի 04-ի թիվ 9-Ա հրամանի հիման վրա օպերատորների գործունեության տեղում դիտարկման արդյունքների վերաբերյալ 2026 թվականի մարտի 10-ին կազմված արձանագրությունը (այսուհետ՝ Արձանագրություն) և ղեկավարվելով «Վարչարարության հիմունքների և վարչական վարույթի մասին» օրենքի 30-րդ հոդվածի 1-ին մասի բ) կետով, 2026 թվականի մարտի 10-ին ցանցային օպերատորի նկատմամբ հարուցել է թիվ 4 վարչական վարույթը:

Համաձայն Օրենքի 42-րդ հոդվածի 18-րդ մասի՝ Արձանագրությունը կարող է հիմք հանդիսանալ վարչական վարույթ հարուցելու համար, իսկ հարուցված վարչական վարույթի շրջանակներում ծառայել որպես ապացույց:

Արձանագրությանը ծանոթացել և այն տեղում ստորագրել է ցանցային օպերատորի ներկայացուցիչը՝ «ՄԱՐԻՆԿԱ» ՍՊ ընկերության տնօրեն Դավիթ Իսախրյանը և վերջինիս վերաբերյալ առարկություններ չի հայտնել:

Հանձնաժողովի ծրագրերի մոնիտորինգի և վերահսկողության վարչության կողմից կազմված Արձանագրության համաձայն՝ «ՄԱՐԻՆԿԱ» ՍՊ ընկերության կողմից վերահաղորդվող տեսալսողական ծրագրերի մշտադիտարկման արդյունքում պարզվել է, որ ցանցային օպերատորի կողմից վերահաղորդվում են հետևյալ տեսալսողական ծրագրերը՝ «Euronews» (ru), «Armenia premium», «Россия 24», «Հ2», «ABN», «НТВ Мир», «ТНТ», «ТНТ4», «СТС», «REN TV», «5-ий канал», «Звезда», «Домашний», «Թավա TV», «Перец», «FX», «FX life», «НТВ Сериал», «Русский Иллюзион», «Кинохит», «Киномикс», «Լայֆհաք», «Կինոման», «Բազմոց TV», «Eurosport 1», «EuroSport 2», «Муз», «Шансон

TV», «Bridge Шлягер», «Bridge Русский Хит», «Bridge Classic», «Bridge rock», «Bridge TV», «Հայ TV», «Մուզոն», «Animal planet», «Nat Geo Wild», «National Geographic», «Discovery», «ID», «Охота и рыбалка», «Дикая Охота», «Ֆիթնես», «Карусель», «Խաղալիք», «Cartoonito», «СТС Kids», «Детский Мир» և «TLC»:

Հանձնաժողովի ծրագրերի մոնիտորինգի և վերահսկողության վարչությունն իրականացրել է Արձանագրությունում նշված վերահաղորդող տեսալսողական ծրագրերի և ցանցային օպերատորի կողմից 2025 թվականին Հանձնաժողով ներկայացված վերահաղորդող տեսալսողական ծրագրերի ցանկի համադրություն, որի արդյունքում պարզվել է հետևյալը.

«ՄԱՐԻՆԿԱ» ՍՊ ընկերության կողմից ներկայացված վերահաղորդող տեսալսողական ծրագրերի ցանկում բացի փաստացի վերահաղորդող ծրագրերից առկա են եղել նաև «Музыка Первого», «ТНТ Music», «Bridge TV Delux», «Bridge TV Hits», «Bridge TV Fresh», «ТВЦ И», «ЦТВ И», «Известия», «Baby Time», «РБК ТВ», «Friday international», «ТВ-3 international», «Nickelodeon», «Oxotnik I Rybalov HD», «Food Network HD», «НТВ ПРАВО» և «НТВ СТИЛЬ» տեսալսողական ծրագրերը, որոնք Արձանագրությունը կազմելու պահին չեն վերահաղորդվել, ինչն արգելված չէ օրենքով և չի խախտում այլոց իրավունքները:

Միաժամանակ պարզվել է, որ «ՄԱՐԻՆԿԱ» ՍՊ ընկերության կողմից ներկայացված վերահաղորդող տեսալսողական ծրագրերի ցանկում առկա չեն «Armenia premium», «Bridge Rock», «Охота и рыбалка», «Дикая охота» և «Cartoonito» տեսալսողական ծրագրերը, որոնք փաստացի վերահաղորդվել են Արձանագրությունը կազմելու պահին:

Հարկ է նշել նաև, որ «ՄԱՐԻՆԿԱ» ՍՊ ընկերության կողմից 2026 թվականի մարտի 10-ի դրությամբ փաստացի վերահաղորդող «Карусель» («Karusel International»), «Кинохит», «Киномикс», «Bridge TV», «Bridge TV Русский Хит», «Bridge TV Шлягер», «Bridge TV Classic», «СТС I», «СТС Kids», «Домашний I», «Перец I», «REN TV I» և «Петербург-5 канал» տեսալսողական ծրագրերի գործողության ժամկետն ընկերության կողմից ներկայացված վերահաղորդող տեսալսողական ծրագրերի ցանկում նշագրված է 31.12.2025թ., իսկ «ШАНСОН TV», «ДЕТСКИЙ МИР», «MUZ», «Telekanal Illuzia+», «Discovery Chanel», «Animal Planet», «TLC», «Eurosport 1», «EuroSport 2», «ID («Discovery Investigation»)», «НТВ МИР», «НТВ СЕРИАЛ», «РОССИЯ 24» և «ЗВЕЗДА HD» տեսալսողական ծրագրերինը՝ 28.02.2026թ.:

Վերոնշյալը պարունակում է Օրենքի 49-րդ հոդվածի 1-ին և 5-րդ մասերով սահմանված պահանջների առերևույթ խախտման հատկանիշներ, այն է՝

«1. Հայաստանի Հանրապետության տարածքում և նրա սահմաններից դուրս գործող Հեռարձակողների տեսալսողական ծրագրերը ցանցային օպերատորի լիցենզիա ստացած անձի կողմից կարող են վերահաղորդվել տեսալսողական ծրագրերի դիստրիբյուտորի կամ հեռարձակողի հետ պայմանագրի հիման վրա:

5. Վերահաղորդող տեսալսողական ծրագրերի յուրաքանչյուր փոփոխության վերաբերյալ ցանցային օպերատորը տեղեկացնում է կարգավորող պետական մարմնին:»:

Հանձնաժողովը հարուցված վարչական վարույթի մասին 2026 թվականի մարտի 12-ին թիվ Ե/04/04.1/194-26 գրությամբ ծանուցել է ցանցային օպերատորին և հայտնել, որ այս հարցի վերաբերյալ կարող են ներկայացնել իրենց պարզաբանումները և բացատրությունները: Նույն գրությամբ առաջարկվել է նաև 10.03.2026թ. դրությամբ փաստացի վերահաղորդված վերոնշյալ տեսալսողական ծրագրերի գործողության ժամկետների վերաբերյալ պայմանագրերի լիարժեքի առկայության դեպքում ներկայացնել դրանք Հանձնաժողով:

Ցանցային օպերատորը հարուցված վարչական վարույթի վերաբերյալ պարզաբանումներ և բացատրություններ չի ներկայացրել:

Նշենք նաև, որ 20.03.2026թ. ցանցային օպերատորը Հանձնաժողով է ներկայացրել «ՄԱՐԻՆԿԱ» ՍՊ ընկերության կողմից վերահաղորդվող տեսալսողական ծրագրերի ամբողջական ցանկը՝ համաձայն Օրենքի 49-րդ հոդվածի 5-րդ մասի դրույթի պահանջի:

Հանձնաժողովի հիմնավորումները (պատճառաբանությունը) և եզրահանգումը.

Վարչական վարույթի բազմակողմանի, լրիվ և օբյեկտիվ քննության, ձեռք բերված ապացույցների ուսումնասիրության և գնահատման արդյունքում Հանձնաժողովն արձանագրում է.

Օրենքի 2-րդ հոդվածի 1-ին մասը սահմանում է.

«Հայաստանի Հանրապետության տեսալսողական մեդիայի մասին օրենսդրությունը ներառում է Հայաստանի Հանրապետության Սահմանադրությունը, սույն օրենքը, «Չանգվածային լրատվության մասին», «Էլեկտրոնային հաղորդակցության մասին», «Հեղինակային իրավունքի և հարակից իրավունքների մասին», «Լեզվի մասին», «Գովազդի մասին» օրենքները, Հայաստանի Հանրապետության ընտրական օրենսգիրքը, կարգավորող պետական մարմնի իրավական ակտերը, տեսալսողական մեդիայի ոլորտը կարգավորող այլ իրավական ակտեր և Հայաստանի Հանրապետության միջազգային պայմանագրերը:»:

Օրենքի 32-րդ հոդվածի 1-ին մասի 14-րդ կետի համաձայն՝ Հանձնաժողովը իրականացնում է Հեռարձակողների և օպերատորների գործունեության մշտադիտարկում:

Օրենքի 42-րդ հոդվածի 1-ին մասի համաձայն՝ Հեռարձակողների գործունեության մշտադիտարկումն իրականացվում է ուղղակի դիտարկման, իսկ օպերատորի դեպքում՝ նաև տեղում դիտարկում իրականացնելու միջոցով, իսկ նույն հոդվածի 8-րդ, 9-րդ և 11-րդ մասերը սահմանում են.

«8. Մշտադիտարկման արդյունքներով կարգավորող պետական մարմնի ներկայացուցիչը մշտադիտարկման արդյունքների վերաբերյալ կազմում է արձանագրություն:

9. Մշտադիտարկման արդյունքների վերաբերյալ արձանագրության մեջ նշվում են մշտադիտարկման արդյունքների համառոտ շարադրանքը, ինչպես նաև վարչական վարույթ հարուցելու կամ հարուցված վարչական վարույթի համար Էական նշանակություն ունեցող բոլոր փաստական հանգամանքները, այդ թվում՝ վարույթի մասնակիցների օգտին առկա հանգամանքները:

11. Մշտադիտարկման արդյունքների մասին արձանագրությունն ուղղակի դիտարկում իրականացնելու դեպքում ստորագրում է մշտադիտարկում իրականացրած անձը, իսկ օպերատորի մոտ տեղում դիտարկում իրականացնելու դեպքում ստորագրում է կարգավորող պետական մարմնի և օպերատորի ներկայացուցիչը:»:

Օրենքի 49-րդ հոդվածի 1-ին և 5-րդ մասերը սահմանում են.

«1. Հայաստանի Հանրապետության տարածքում և նրա սահմաններից դուրս գործող Հեռարձակողների տեսալսողական ծրագրերը ցանցային օպերատորի լիցենզիա ստացած անձի կողմից կարող են վերահաղորդվել տեսալսողական ծրագրերի դիստրիբյուտորի կամ հեռարձակողի հետ պայմանագրի հիման վրա:

5. Վերահաղորդվող տեսալսողական ծրագրերի յուրաքանչյուր փոփոխության վերաբերյալ ցանցային օպերատորը տեղեկացնում է կարգավորող պետական մարմնին:»:

Օրենքի 60-րդ հոդվածի 8-րդ մասի համաձայն՝ սույն օրենքն ուժի մեջ մտնելուց հետո ցանցային օպերատորները կարգավորող պետական մարմին տեղեկություն են ներկայացնում իրենց ցանցում վերահաղորդվող տեսալսողական ծրագրերի մասին:

«Հեղինակային իրավունքի և հարակից իրավունքների մասին» օրենքի 39-րդ հոդվածի 1-ին մասի համաձայն՝ այլ անձինք ստեղծագործությունը կարող են օգտագործել միայն ստեղծագործության նկատմամբ գույքային իրավունքները կրող անձի (ստեղծագործության հեղինակ կամ այլ անձ, որին այդ իրավունքներն անցել են օրենքով սահմանված կարգով, այսուհետ՝ իրավատեր) թույլտվությամբ՝ հեղինակային պայմանագրի հիման վրա, եթե սույն օրենքով այլ բան նախատեսված չէ:

Նույն օրենքի 65-րդ հոդվածի 1-ին մասի համաձայն՝ սույն օրենքով պահպանվող ստեղծագործության կամ դրա էական մասի կամ հարակից իրավունքների օբյեկտի ցանկացած օգտագործում անօրինական է, եթե նախապես, մինչև նման օգտագործումը ձեռք չի բերվել հեղինակային իրավունքի կամ հարակից իրավունքների իրավատիրոջ թույլտվությունը:

Հիմք ընդունելով տեսալսողական մեդիայի բնագավառը կարգավորող օրենսդրությունը, ինչպես նաև վերոգրյալ իրավական հիմնավորումները՝ Հանձնաժողովն արձանագրում է.

ցանցային օպերատորը տեսալսողական ծրագրերը վերահաղորդելիս պարտավոր էր պահպանել Օրենքի սահմանող դրույթները:

Քննարկվող համատեքստում հատկանշական է, որ ցանցային օպերատորը 2017 թվականից հանդիսանում է Հանձնաժողովի կողմից լիցենզավորված իրավաբանական անձ Սփոման տարածքը՝ ք.Երևան, Ծիրակի մարզ, Լոռու մարզ, լիցենզիայի գործողության ժամկետը՝ 03.10.2017թ.- 03.10.2027թ., սերիան և համարը՝ N 229[]:

Հանձնաժողովը հարկ է համարում արձանագրել, որ ցանցային օպերատորն, ի թիվս այլնի, պատասխանատվություն է կրում տեսալսողական մեդիայի բնագավառը կարգավորող օրենսդրության պահանջների կիրարկման ապահովման համար: Ավելին, վերջինս պետք է հաշվի առնի այն հանգամանքը, որ օրենսդրական պահանջները չպահպանելն առաջացնում է իրավական հետևանքներ:

Տվյալ դեպքում ցանցային օպերատորը պարտավոր էր պահպանել Օրենքի 49-րդ հոդվածի 1-ին մասով սահմանված դրույթի պահանջը:

Հանձնաժողովի իրավաբանական և լիցենզավորման վարչության իրավական ապահովման բաժինն ուսումնասիրել է վարչական վարույթի նյութերը, որի արդյունքում պարզվել է, որ այն տեսալսողական ծրագրերը, որոնց վերահաղորդման պայմանագրերի ժամկետների վերաբերյալ 2025 թվականին ներկայացված ցանկում նշված են 31.12.2025թ. և 28.02.2026թ., նոր՝ 2026 թվականին ներկայացված ցանկում դրանց ժամկետները երկարաձգված են:

Նաև նշենք, որ 2026 թվականին Հանձնաժողով ներկայացված տեսալսողական ծրագրի ցանկում առկա են «Armenia premium» և «Дикая охота» տեսալսողական ծրագրերը, որոնք բացակայում էին 2025 թվականին ներկայացված ցանկում:

Սակայն արձանագրում ենք, որ «Bridge Rock», «Охота и рыбалка» և «Cartoonito» տեսալսողական ծրագրերը բացակայում են ցանցային օպերատորի կողմից ներկայացված ցանկերում և ցանցային օպերատորը չի ներկայացրել նշված տեսալսողական ծրագրերը վերահաղորդելու վերաբերյալ ապացույցներ՝ պայմանագրեր:

Վերոգրյալի համատեքստում ևս մեկ անգամ արձանագրում ենք, որ ցանցային օպերատորի լիցենզիա ստացած անձի համար Օրենքի 49-րդ հոդվածի 1-ին մասով պարտավորություն է սահմանված Հայաստանի Հանրապետության տարածքում և նրա սահմաններից դուրս գործող Հեռարձակողների տեսալսողական ծրագրերը վերահաղորդել տեսալսողական ծրագրերի դիստրիբյուտորի կամ հեռարձակողի հետ պայմանագրի հիման վրա:

Այսպիսով, արձանագրում ենք, որ «ՄԱՐԻՆԿԱ» ՍՊ ընկերության կողմից «Bridge Rock», «Охота и рыбалка» և «Cartoonito» տեսալսողական ծրագրերը վերահաղորդվել են առանց համապատասխան իրավական հիմքերի՝ պայմանագրերի, և վերոգրյալը բավարար հիմք է հանդիսանում Հանձնաժողովի կողմից Օրենքի դրույթներով սահմանված իրավախախտումն արձանագրելու և ցանցային օպերատորի նկատմամբ պատասխանատվության միջոց կիրառելու համար:

Օրենքի 32-րդ հոդվածի 1-ին մասի 11-րդ կետի համաձայն՝ կարգավորող պետական մարմինը՝ Օրենքի խախտման կամ իր որոշումները չկատարելու դեպքում կիրառում է պատասխանատվության միջոցներ:

Օրենքի 55-րդ հոդվածի 1-ին մասի համաձայն՝ կարգավորող պետական մարմնի կողմից տեսալսողական մեդիայի բնագավառը կարգավորող օրենսդրության պահանջների խախտման դեպքեր հայտնաբերվելու, ինչպես նաև պետական այլ մարմինների կողմից իրենց իրավասությունների շրջանակում տեսալսողական մեդիայի բնագավառը կարգավորող օրենսդրության պահանջների խախտման դեպքեր հայտնաբերվելու և դրանց մասին կարգավորող պետական մարմնին գրավոր տեղեկացվելու դեպքում կարգավորող պետական մարմինը կիրառում է հետևյալ վարչական տույժերը.

- 1) գրավոր նախազգուշացում.
- 2) տուգանք.
- 3) հեղինակագործման կամ լիցենզիայի գործողության կասեցում.
- 4) հեղինակագործման կամ լիցենզիայի գործողության դադարեցում:

Օրենքի 57-րդ հոդվածի 6-րդ մասի համաձայն՝ ցանցային օպերատորի կողմից առանց պայմանագրի վերահաղորդում իրականացնելը՝

առաջացնում է տուգանքի նշանակում՝ Հասույթի 0.04 տոկոսի, բայց ոչ պակաս, քան սահմանված նվազագույն աշխատավարձի հիսնապատիկի չափով:

Ելնելով վերոգրյալից, հիմք ընդունելով «Տեսալսողական մեդիայի մասին» օրենքի 2-րդ հոդվածի 1-ին մասը, 32-րդ հոդվածի 1-ին մասի 11-րդ և 14-րդ կետերը, 42-րդ հոդվածի 1-ին, 8-րդ, 9-րդ և 11-րդ մասերը, 49-րդ հոդվածի 1-ին մասը, 55-րդ հոդվածի 1-ին մասի 2-րդ կետը, «Հեղինակային իրավունքի և հարակից իրավունքների մասին» օրենքի 39-րդ հոդվածի 1-ին և 65-րդ հոդվածի 1-ին մասերը և ղեկավարվելով Օրենքի 57-րդ հոդվածի 6-րդ մասով՝ Հեռուստատեսության և ռադիոյի հանձնաժողովը

Ո Ր Ո Շ Ե Ց

1. «ՄԱՐԻՆԿԱ» ՍՊ ընկերության նկատմամբ կիրառել «Տեսալսողական մեդիայի մասին» օրենքի 57-րդ հոդվածի 6-րդ մասով սահմանված տույժը՝ տուգանելով 50 000 (հիսուն հազար) ՀՀ դրամի չափով:

2. Սույն որոշումն ուժի մեջ է մտնում այն «ՄԱՐԻՆԿԱ» ՍՊ ընկերությանը պատշաճ ձևով հանձնելու օրվան հաջորդող օրվանից:

3. Սույն որոշումն ուժի մեջ մտնելու պահից երկամսյա ժամկետում կարող է բողոքարկվել Հեռուստատեսության և ռադիոյի հանձնաժողով կամ ՀՀ վարչական դատարան:

**ՀԵՌՈՒՄՏԱՏԵՍՈՒԹՅԱՆ ԵՎ ՌԱԴԻՈՅԻ
ՀԱՆՁՆԱԺՈՂՈՎԻ ՆԱԽԱԳԱՀ**

Տ. ՀԱԿՈԲՅԱՆ

2026թ. ապրիլի 09
ք.Երևան